

Kiwanis Club of Aruba ta presenta Kamishibai pa kleuterschoo



Grupo di cabesantenan di kleuterschool, hunto cu algun miembro di Kiwanis, kendenan lo bay cuminsa cu Kamishibai na nan scol.

ORANJESTAD - Recientemente Kiwanis Club of Aruba a presenta un proyecto nobo pa nos muchanan cu e nomber Kamishibai.

KICO TA KAMISHIBAI?

Kamishibai ta un arte di contamento di storia na un grupo di muchanan cu a origina na Japon. Ora un maestro den klas kier conta un storia for di un buki di mucha (prentenboek), constantemente e ta struggle pa mostra e muchanan e pintura mientras cu e lo mester lesa e texto. Ora e maestro muestra e muchanan e pintura y no por lesa e texto, y ora e lesa e texto e no por mostra e muchanan e pintura....

Kamishibai ta split e pintura y e texto facilitando e contamento di storia na e

muchanan. Riba un sheet di size A3 e pintura di e storia ta wordo imprimi pa dilanti mientras cu e texto correspondiente ta wordo imprimi patras di e sheet. Adicionalmente ta haci uzo di un cashi di palo -un teatro- unda cu ta hinca e sheet- nan aden cu ta crea mas drama den e contamento di e storia. E resultado ta cu e grupo di muchanan sinta por wak e pintura dilanti hopi duidelijk mientras cu e maestro trankilamente por lesa e texto imprimi patras di e sheet.

KICO E PROYECTO KAMISHIBAI DI KIWANIS CLUB OF ARUBA TA ENCERA?

Kiwanis club of Aruba lo haci un donacion di un teatro di palo y un storia riba sheet na cada un

scol preparatorio (kleuterschool) aki na Aruba. Den e prome edicion aki nos a kies pa adapta e buki existente Hopus - skirbi pa e escritora Arubiano señora Liliana Erasmus - den e formato di Kamishibai.

Despues, cada aña Kiwanis Club of Aruba lo sigui haci donacion di mas storia riba sheet na e scolnan preparatorio pa asina nan tin mas variedad di storianan cu nan por conta na e muchanan. Den futuro lo evalua tambe si lo haci un donacion na e scolnan basico banda di na e scolnan preparatorio.

DICON E PROYECTO KAMISHIBAI?

Contamento di storia ta stimula e desaroyo di un mucha, vooral muchanan chikito. Kamishibai ta un arte pa conta storia conoci den e mundo di enseñansa na Aruba y ta wordo considera efectivo door di e maestronan vooral door cu e muchanan ta focus hopi bon riba e pintura. Instituto Pedagogico Arubano IPA e aña escolar pasa a hasta cuminsa pa prome biaha duna les na e studiantenan pa maestro di scol di con pa traha Kamishibai como un vak separa.

E problema ta cu pa e maestro no ta facil pa e mes traha e teatro ni tampoco pa e traha e sheet-



Liliana Erasmus, autora di e buki Hopus.

nan. Tambe tin gastonan cuantioso envolvi. Dus den practica tin un dificultad di logistica. Kiwanis club of Aruba kier facilita just den e parti esaki door di haci un donacion di teatro y storia na cada scol preparatorio aki na Aruba. Cu e proyecto aki di contamento di storia yama 'Kamishibai' Kiwanis club of Aruba kier haci un contribucion na e desaroyo di muchanan aki na Aruba.

KENDE A CONTRIBUI PA REALISA E PROYECTO AKI?

Un danki di curason ta bay na e siguiente personanan cu a contribui na e realisacion di e bunita proyecto aki:

Escritora señora Liliana Erasmus, autor di e buki Hopus

E grupo di cabesantenan

di scolnan preparatorio representa pa señora Monica Henriette Miembronan di Kiwanis Club of Aruba: Shurby Rannis, Leslie Tweekboom, Norma Brinkenberg, Newton Ferguson y Ryan Kock

Kiwanis ta un organizacion global di boluntarionan dedica na cambia mundo via di un mucha y via di un comunidad cada biaha y tin como lema: sirbiendo e muchanan di mundo. Kiwanis Club of Aruba ta activo den e comunidad Arubano desde 1964. Pa mas informacion di Kiwanis Club of Aruba y of su actividadnan por acudi na www.kiwansaruba.org. Tambe por bishita e website di Kiwanis Internacional na www.kiwanis.org. □